



ქალაქ ფოთის მუნიციპალიტეტის საკრებულო



განკარგულება № 8/26

2023 წლის 28 ივნის

ქალაქი ფოთი

არასამეწარმეო (არაკომერციული) იურიდიული პირის „ქალაქ ფოთის მუნიციპალური ინსპექციის“ ანგარიში გაწეული მუშაობის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმართველობის კოდექსი“ 106¹ მუხლის მე-15 პუნქტის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“, ქალაქ ფოთის მუნიციპალიტეტის საკრებულოს 2022 წლის 31 იანვრის №1/5 დადგენილებით დამტკიცებული რეგლამენტის 118-ე მუხლის პირველი პუნქტის შესაბამისად, მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის ანგარიშს საკრებულოს თავმჯდომარის მიერ დადგენილი რიგითობის მიხედვით განიხილავს საკრებულოს შესაბამისი კომისია, საკრებულოს ბიურო და საკრებულო.

წარმოდგენილი ანგარიშის თანახმად, საანგარიშო პერიოდში არასამეწარმეო (არაკომერციული) იურიდიულ პირს „ქალაქ ფოთის მუნიციპალური ინსპექციის“ გარკვეული საქმიანობა აქვს ჩატარებული მუნიციპალიტეტის ტერიტორიაზე არქიტექტურულ-სამშენებლო საქმიანობის დადგენილი წესების დარღვევის ფაქტების გამოვლენის და შესაბამისი რეაგირების მხრივ, სამშენებლო, სარემონტო და საავარიო სამუშაოების წარმოების, გარე რეკლამის განთავსების, ტერიტორიებისა და შენობა-ნაგებობების ტექნიკურ-ესთეტიკური მდგომარეობის, უსახური და ამორტიზირებული ჯიხურების, მანქანა-დანადგარების, დახლების, სტელაჟების, სარეკლამო და საინფორმაციო სტენდების, მსუბუქი კონსტრუქციების უკანონო ფაქტების გამოვლენის, მათი აღკვეთისა და სადემონტაჟო ღინისმიერების განხორციელების, გარე ვაჭრობის და ავტოტრანსპორტის პარკირების, სანიტარული დასუფთავების წესების დარღვევის ფაქტების გამოვლენისა და მათ შესრულებაზე კონტროლის კუთხით.

ზემოხსენებულიდან გამომდინარე, არასამეწარმეო (არაკომერციული) იურიდიული პირის „ქალაქ ფოთის მუნიციპალური ინსპექციის“ ანგარიში ცნობად იქნას მიღებული

აღნიშნულიდან გამომდინარე:

მუხლი 1.

ცნობად იქნას მიღებული არასამეწარმეო (არაკომერციული) იურიდიული პირის „ქალაქ ფოთის მუნიციპალური ინსპექციის“ ანგარიში გაწეული მუშაობის შესახებ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტის აღმაშენებლის ქუჩა №3).

მუხლი 3.

განკარგულება ძალაშია ხელმოწერისთანავე.

საკრებულოს თავმჯდომარე



ალექსანდრე ტყებუჩავა

**ა(ა)იპ „ქალაქ ფოთის მუნიციპალური ინსპექციის“ მიერ 2022 წლის 03 ივნისიდან
გაწეული მუშაობის ანგარიში**

- ქალაქ ფოთის მუნიციპალიტეტის მერის 2022 წლის 25 მაისის №ბ 42.42221459 ბრძანებით დაფუძნდა არასამეწარმეო (არაკომერციული) იურიდიული პირი „ქალაქ ფოთის მუნიციპალური ინსპექცია“.

ამავე ბრძანებით დამტკიცებული წესდების თანახმად, მუნიციპალური ინსპექცია ახორციელებს ქალაქ ფოთის მუნიციპალიტეტის ტერიტორიაზე არქიტექტურულ-სამშენებლო საქმიანობის დადგენილი წესების დარღვევის ფაქტების გამოვლენასა და შესაბამის რეაგირებას;

მუნიციპალიტეტის ტერიტორიაზე სამშენებლო, სარემონტო და საავარიო სამუშაოების წარმოების წესების, გარე რეკლამის განთავსების, ტერიტორიებსა და შენობა-ნაგებობების ტექნიკურ-ესტეტიკურ მდგომარეობაზე კონტროლს;

მუნიციპალიტეტის ტერიტორიაზე უკანონო, უსახური და ამორტიზებული ჯიხურების, მანქანა-დანადგარების, დახლების, სტელაჟების, სარეკლამო და საინფორმაციო სტენდების, მსუბუქი კონსტრუქციების უკანონო განთავსების ფაქტების გამოვლენას, მათი აღვეთისა და სადემონტაჟო ღონისძიებების განხორციელებას;

მუნიციპალიტეტის ტერიტორიაზე სამიჯნე ნიშნის მოშლის, დაზიანების ან სასაზღვრო ზოლის თვითნებური შეცვლის ფაქტების გამოვლენას;

მუნიციპალიტეტის ტერიტორიაზე გარე ვაჭრობისა და ავტოტრანსპორტის პარკირების დადგენილი წესების, სანიტარიული დასუფთავების წესების დარღვევის ფაქტების გამოვლენას და მათ შესრულებაზე კონტროლს;

საქართველოს ადმინისტრაციულ სამართალდარღვევათა კოდექსით, საქართველოს კანონის „ნარჩენების მართვის კოდექსით ქალაქ ფოთის მუნიციპალიტეტის ორგანოების კომპეტენციაში შემავალ საკითხებზე ადმინისტრაციულ სამართალდარღვევათა ოქმების, საჯარიმო ქვითრის, დადგენილებისა და სხვა დოკუმენტების გამოცემას, საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსით“ გათვალისწინებული მითითებებისა და დადგენილებების გამოცემას.

- ა(ა)იპ „ქალაქ ფოთის მუნიციპალური ინსპექციის“ საშტატო ერთეულების რაოდენობა შეადგენს 21-ს, დასაქმებულია 20 თანამშრომელი. ინსპექცია შედგება სამი განყოფილებისაგან: საორგანიზაციო განყოფილება (8 საშტატო ერთეული), ინსპექტირების, ზედამხედველობის, მონიტორინგისა და მუნიციპალური პარკირების განყოფილება (6 საშტატო ერთეული) და ადმინისტრაციული წარმოების განყოფილება (4 საშტატო ერთეული). დირექტორს ჰყავს ორი მოადგილე.

- ქალაქ ფოთის მუნიციპალიტეტის მერის 2023 წლის 19 აპრილის №42ბ.42231096 ბრძანების საფუძველზე, მუნიციპალურ ინსპექციას თხოვების ფორმით, უსასყიდლო უვადო სარგებლობაში გადმოეცა ქალაქ ფოთის მუნიციპალიტეტის საკუთრებაში არსებული ორი ერთეული სატრანსპორტო საშუალება: FIAT TIPO, რაც ხელს შეუწყობს ინსპექციას, მასზე დაკისრებული სამსახურებრივი უფლებამოსილების ოპერატიულად, ჯეროვნად და ეფექტურად განხორციელებაში.

- 2022 წლის 03 ივნისიდან (დაფუძნებიდან) დღემდე მუნიციპალურ ინსპექციას შესასრულებლად დაეწერა 279 განცხადება და სხვადასხვა უწყებიდან შემოსული კორესპონდენციები. შესაბამისი პასუხი გაეცა 275 განცხადებას, შესრულების პროცესშია 4.
- 2022 წლის 03 ივნისიდან (დაფუძნებიდან) დღემდე მუნიციპალური ინსპექციის მიერ გამოვლინდა საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსით“ გათვალისწინებული სამშენებლო სამართალდარღვევის 14 ფაქტი, უნებართვო მშენებლობისა და სამშენებლო/სანებართვო პირობების დარღვევის გამო:
 - ✓ სამ საქმეზე მიღებული იქნა დადგენილება უნებართვო მშენებლობისათვის სამართალდამრღვევის 6000 ლარით დაჯარიმების შესახებ. მიღებული დადგენილებები გასაჩივრდა სასამართლოში და საქმეები განხილვის პროცესშია.
 - ✓ ხუთ საქმეზე შეწყდა საქმისწარმოება დამრღვევის მიერ დარღვევის გამოსწორების საფუძვლით.
 - ✓ ექვს საქმეზე მიმდინარეობს წარმოება, სამართალდამრღვევების მიმართ გაცემულია მითითება, დარღვევის გამოსწორების მოთხოვნით და მითითებით განსაზღვრული ვადის გასვლის შემდეგ, გატარდება კანონით გათვალისწინებული ღონისძიებები.

მუნიციპალურ ინსპექციას საკონტროლოდ აწერია 61 მშენებლობის ნებართვა. სამსახურის მიერ პერიოდულად ხორციელდება სამშენებლო/სანებართვო პირობების და საქართველოს კანონმდებლობით დადგენილი სხვა მოთხოვნების შესრულების ზედამხედველობა, დარღვევების გამოვლენის შემთხვევაში, სათანადო რეაგირება.

- საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის ფაქტზე შედგა 19 ადმინისტრაციული სამართალდარღვევის ოქმი, საიდანაც 5 საქმეზე დამრღვევს ადმინისტრაციული სახდელის სახით შეეფარდა გაფრთხილება, 11 საქმეზე დამრღვევის მიმართ ადმინისტრაციული სახდელის სახით გამოყენებულ იქნა ჯარიმა:
 - ✓ 2 (ორი) შემთხვევაში, გზის საფარის დანაგვიანებისა და დაზიანების ფაქტზე, საქართველოს ადმინისტრაციულ სამართალდარღვევათა კოდექსის 119¹-ე მუხლის პირველი ნაწილით - ჯარიმა თითოეულზე 300 ლარის ოდენობით;
 - ✓ 3 (სამი) შემთხვევაში, სატრანსპორტო საშუალების მძღოლის მიერ საგზაო მომრაობის წესების დარღვევის ფაქტზე, 125-ე მუხლის მე-8 ნაწილით - ჯარიმა თითოეულზე 10 ლარის ოდენობით;
 - ✓ მუნიციპალიტეტის საკუთრებაში არსებული მიწის ნაკვეთის უნებართვოდ დაკავების ფაქტზე, 55⁶-ე მუხლის მე-2 ნაწილით - ჯარიმა 2000 ლარის ოდენობით;
 - ✓ სახელმწიფო საკუთრების მიწის ნაკვეთის უნებართვოდ დაკავების ფაქტზე, 55²-ე მუხლის პირველი ნაწილით - ჯარიმა 1000 ლარის ოდენობით;
 - ✓ მუნიციპალიტეტის ადმინისტრაციულ საზღვრებში არსებული ტერიტორიის იერსახის თვითნებური შეცვლის ფაქტზე, 150¹-ე მუხლის პირველი ნაწილით - ჯარიმა 200 ლარის ოდენობით;

- ✓ მსუბუქი კონსტრუქციის თვითნებური მონტაჟის ფაქტზე, 150¹-ე მუხლის მესამე ნაწილით - ჯარიმა 1000 ლარის ოდენობით;
 - ✓ გადათხრის ადგილების პირვანდელ მდგომარეობაში მოყვანის გარეშე მიტოვების ფაქტზე, 152-ე მუხლის პირველი ნაწილით - ჯარიმა 1000 ლარის ოდენობით;
 - ✓ მიწათსარგებლობის საზღვრების სამიჯნე ნიშნის მოშლის ფაქტზე, 55-ე მუხლის პირველი ნაწილით - ჯარიმა 300 ლარის ოდენობით.
 - ✓ სამ სხვადასხვა სამართალდარღვევის ფაქტზე, სასამართლომ სამართალდამრღვევს გამოუცხადა სიტყვიერი შენიშვნა.
- ნარჩენების მართვის კოდექსით გათვალისწინებული სამართალდარღვევის ფაქტებზე შედგა 5 (ხუთი) ადმინისტრაციული სამართალდარღვევის ოქმი და სამართალდამრღვევების მიმართ ადმინისტრაციული სახდელის სახით გამოყენებულ იქნა ჯარიმა:
- ✓ ნარჩენების კონტეინერში არადანიშნულებისამებრ მოთავსების გამო, ნარჩენების მართვის კოდექსის 31-ე მუხლის მე-10 ნაწილით - ჯარიმა 1000 ლარის ოდენობით.
 - ✓ სამშენებლო ნარჩენებით გარემოს დანაგვიანების გამო ნარჩენების მართვის კოდექსის 32-ე მუხლის პირველი ნაწილით - ჯარიმა 500 ლარის ოდენობით;
 - ✓ 3 (სამი) შემთხვევაში მუნიციპალური ნარჩენებით გარემოს დანაგვიანების გამო 31-ე მუხლის პირველი ნაწილით - ჯარიმა 80 ლარის ოდენობით.
- განყოფილებების სპეციალისტებისა და უფროსი სპეციალისტების მიერ ჩატარებული მონიტორინგის შედეგად გამოვლინდა და მითითების შედეგად გონივრულ ვადაში გამოსწორდა:
- ✓ სამშენებლო და საყოფაცხოვრებო ნარჩენებით გარემოს დანაგვიანების 154 შემთხვევა,
 - ✓ მიტოვებული ავტომობილებით ან ავტომობილის ნაწილებით გზის/ტროტუარის დაკავების 22 ფაქტი.
 - ✓ გარე რეკლამის განთავსების წესების დარღვევის 25 ფაქტი.
 - ✓ იერსახის დამახინჯების 10 ფაქტი.
 - ✓ ჩვენი მითითების შედეგად, ფიზიკური და იურიდიული პირების მიერ გაითიბა და გაიწინდა ქალაქ ფოთის მუნიციპალიტეტის ტერიტორიაზე 52 მიწის ნაკვეთი.
 - ✓ აქტიურად მიმდინარეობს მუშაობა გარე ვაჭრობასთან დაკავშირებული პრობლემური საკითხების მოგვარების მიზნით.
 - ✓ მიმდინარეობს აქტიური მონიტორინგი წყლის/კანალიზაციის მიღებზე, განათების ბოძებზე, საგზაო ნიშნებზე და გზის საფარის დაზიანების ფაქტებზე. აღმოჩენის შემთხვევაში ოპერატიულად ეცნობება შესაბამის სამსახურებს და ერთობლივი ღონისძიებების შედეგად ხორციელდება არსებული პრობლემების აღმოფხვრა.

ა(ა)იპ „ქალაქ ფოთის მუნიციპალური ინსპექციის“

დირექტორი



ზურაბ გოგებაშვილი